



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 91. Res Suecorum in Superiore Germania.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Megapoli, Fridlandiæ, Sagani ac Glo- Sæc. XVII.
 govix Ducem, & denique in alterum A. C. 1634.
 ferme Cæsarem evexerat, ambitio ve-
 ro ac perfidia ad tragicam mortem,
 & pene nihil detrufit. Hujus Viri obi-
 tus pro vario studio partium, natio-
 numque varie accepta est, & præci-
 pue Protestantes, ut Cæsari invidiam
 conflarent, Wallensteinium prorsus in-
 noxium, inauditum atque indefensum
 nonnisi ex æmulorum, Jesuitarum, a-
 liorumque Sacerdotum odio, falsisque
 criminationibus morte tanto Viro in-
 digna sublatum fuisse comminiscuntur;
 adeo nullus est magni momenti casus,
 qui non in utramque partem Patronos
 nanciscatur.

§. XCI.

*Res Suecorum in Superiore Ger-
mania.*

Ex Wallensteinii obitu graves in exer- Priorat.
 citu Cæsareo motus esse orituros, Hist. Ferd.
 sperabant Sueci, Gallasi tamen & Pic- III. part. I.
 colominæi solertia effectum, ut copix lib. 9.
 in officio continerentur, nullaque ex
 parte novæ turbæ suscitarentur. In-
 terim vero Bernardus Vinariensis Dux,
 Cronacensi urbe incassum tentata Do-
 nastauffium deditione accepit, arcem-
 que subfosso nitrato pulvere in rudera
 rede-

Sæc. XVII. redegit, pluribusque in Palatinatu
 A. C. 1634. periore urbibus nullo ferme negotio oc-
 cupatis Bavaros, qui Wilzburgo anno-
 nam intulerant, inde reversos proci-
 gavit, atque Aichstadium misera
 prorsus desolatione delevit, postmo-
 dum comperta Fridlandica conspirati-
 one in Bohemiam movit, intercepta Pil-
 sena Wallensteinio opem laturus, qui
 tamen Cæsareis e Bohemia moventi-
 bus, non sine clade reverti compulsus
 est. Alteram vero Danubii Regionem
 omnemque ferme Sueviam Gustavus
 Hornius infestis excursionibus exha-
 ferat, subactisque Ravenspurgo, Bibe-
 raco, Mindelheimio, Campoduno, &
 Memminga Cæsareos ad Wangenam
 magna clade affectit, frustra tamen
 Uberlingam obsedit. Magis tamen pro-
 spera fors postea arridebat Bavaris; qu-
 pe Aldringerius supremus Boici exerci-
 tus Præfectus, Straubinga ad dediti-
 onem compulsus, Sultzbacum, Chamum, Neu-
 burgum, pluresque alias Palatinatus
 Superioris urbes ejectis Suecis, Bava-
 ro restituit: Sub idem quoque tempus
 Ferdinandus III. Hungariæ Rex cum
 valido exercitu in eundem Palatinatum
 movit, ut sese Bavaris conjungeret.
 Ratisbonam expugnaturus: comperto
 hoc consilio Vinariensis Dux magnis iti-
 neribus in Bavariam reversus, caelo
 pri-

primo Croatarum agmine Cæsareorum Sæc. XVII.
 castra oppugnare cæpit, irrito tamen A. C. 1634.
 successu, quocirca motis inde castris in
 urbem se recepit, ac paulopost relicto
 quatuor millium præsidio cum ceteris
 copiis Ratisbona in Franconiam seces-
 sit: Saxones vero & Sueci, ut Ferdi-
 nandum Regem a Ratisbonensi obsidio-
 ne averterent, in Bohemiam irrupere,
 Pragamque obsidere moliti sunt. Ex-
 inde Cæsarei, Bavarique majore quam
 antea, vi Ratisbonam quaterre cæpe-
 rant, eamque post acrem duorum men-
 sium oppugnationem die decima septi-
 ma Julii ad deditioem compulerunt,
 ubique pacta demum Religionis li-
 bertate, ac Suecis præfidiariis hono-
 rifice dimissis Ferdinandus castris ad-
 verso Danubio motis Forchemium ob-
 sidione liberavit, & Wendlinga, Do-
 nawertha, Lauinga, aliisque pluribus
 circum locis non sine magna Sueco-
 rum clade recuperatis in Vindelicos
 movit. Eadem vero die, qua Ratis-
 bona erat capta, Cæsarei Suecos, Sa-
 xonesque Praga, totaque Bohemia ex-
 turbarunt, capto etiam Alberto Saxo-
 niæ Principe.